

敬述朱斐居士弘法功德

徐醒民

斐公朱老師，早年皈依印光祖師，法號宗善。民國三十八年仲春之月，公在臺中寶覺寺，參與歡迎慈航老法師，始見雪廬老人，相知同是皈依印祖之弟子，甚感親切。公受慈老法師之勸勉，接編《覺群》月刊。雪公亦應允，為《覺群》撰文，答時人佛學之問。公與雪廬老人雖屬同門，而公願發大心，上求下化，乃尊重雪公為師。

民國三十七年，公來臺中，任職於臺灣省立臺中圖書館，為總務主任。惟自接編《覺群》，以至爾後專辦《菩提樹》雜誌，遂辭圖書館公職，專務於《菩提樹》，以助雪公弘法利生。

雪公興建臺中諸道場，有講經安老育幼施醫四大類，各有持名共修，旨在解行並進。諸道場次第興建時，其助雪公籌措經費等事宜，斐公卓著功勞。尤以

菩提仁愛之家，初唯建為菩提醫院，繼則擴展為菩提救濟院，最後為是家焉。始建菩提醫院時，其為創辦者，法定須有三人，斐公即是創辦人之一。自建醫院，以至完成此家，推行業務，公為督導，而不居功。

雪公教化，得斐公之助甚多，言教之助以外，文宣最為顯著。《菩提樹》雜誌專欄，長期刊載雪公之佛學問答。問之者根機不等，難題甚多，復有外道故為問難者，雪公答之無不圓滿。後經類編兩巨冊，現前當來，讀之者受益無窮。此外，斐公亦多著作。舉要，有空中行腳、朱斐居士文集、演講集、訪問行腳集，餘不枚舉。


上求下化數十年，斐公法體難免老化。今回上




朱斐居士著《空中行腳》




《朱斐居士文集》



《朱斐居士講演集》



李炳南居士題字贈《菩提樹》創刊三十周年紀念



懺公題字贈《菩提樹》創刊三十周年紀念

海，入住安老院。夫人葛女士，精醫術，隨時就近調護。老者得安，公其是矣。惟可喜者，公離仁家，回滬之際，言秉祖師之訓，一切生滅法不繫於心，但持一句洪名，

以求當生成就。誠哉是言。漫筆至此，海天相望，願公安享鶴齡，住世弘法。謹此祝禱。④

民國一百一年歲次壬辰仲春月
上浣後學徐醒民敬識